

Incuntada de oraziun sö Oies en domënia, ai 2 de jügn, dales 15.00 - 18.00: Corona, esposiziun eucaristica, mëssa, testimonianza de Giorgio y Cristina Epicoco da Perugia sön la vita matrimoniala, conclujiun y afidamënt a Santa Maria.

La Müjiga di jogh dl'alta Val Badia inviëia düc i mituns y les mitans che sona da almanco 2 agn n stromënt de banda da tó pert a so proiet fora por l'isté. Informaziuns pro les verdajogn dla Müjiga de Badia Stefanie (339/2860969) o Silvia (331/2685721).

La Scora de musiga inviëia dër bel düc al **concert de conclujiun** en lönesc ai 3 de jügn dales 18:00 a Al Plan tl salf dles manifestaziuns. Al sará da aldí melodies y toc musical portá dant dales scolares y dai scolars dla Scora de musiga.


L'uniun teater Badia vá ai 1 de jügn a Erl ala representaziun di "Passionsspiele". Al é ciamó n per de posc lëdi por chi che ess interes da gní para. Por informaziuns telefoné a Magdalena 3397214375.

Conzert de onoraziun: la Seziun cors de dljia tl'EPL-Ert por i Ladins inviëia ala festa de onoraziun de Felix Dapoz y Lois Ellecosta cun cater cors dla Val Badia (Cor Raiëta da La Val, i Cors de Dljia da La Val, d'La Pli y da S. Martin), en domënia, ai 2 de jügn 2019, dales 16:00 a La Val.

Teater por picì y gragn "Stachio n'ó nia partí: da odèi a Al Plan tl salf Raiffeisen ai 27 de ma, a La Val tl salf dles manifestaziuns ai 29 de ma a La lla tla Ciasa de Cultura ai 01 de jügn y a San Martin tl Istitut Ladin ai 02 de jügn tres dales 18:00. Cun Silvia Costabiei, Silvia Liotto y Roland Pizzinini, la scenografia é de Gabi Mutschlechner y la rejia de Erika Castlunger.

La biblioteca Sas dla Crusc inviëia düc te biblioteca a Badia ai "*Amisc dles erbes s'incunta – imparun a conësce n valgünes erbes*" en jöbia ai 6 de jügn dales 20:00.

Le Sorvisc ai Jogn Val Badia organisëia indò n curs de **preparaziun al ejam de trilinguism** por düc dai 16 agn insö dai 19 ai 23 d'agost, dales 19.30 ales 21.30. Le curs gnará tigní dala referënta Daria Valentin tl zënter pedagogich a Piculin al cost de € 20. Iscriziuns tres la plata di proiec www.proiec.org. Infos pro l'ufize dl SaJ al numer 0474523070.



Plata dla Ploania Badia

San Iaco - San Linert

Ploan: **Siur Iaco Wendelin Willeit**
Calonia Badia: **0471/839571**
E-Mail: **parrocchiabadia@libero.it**
Radio dla Ploania: **91,10 Mhz**

UNITÉ PASTORALA



www.unitepastorala.org

Ann „C“ 26.05. – 02.06.2019 6° Domënia de Pasca n. 26

Dis dles Crusc

*“ Periede ..
spo
ciafarëise! “*

à dit Gejú.



Vangele dla domënia che vëgn - Festa dl' Assënza

Luca 24,46-53

Te chël tēmp ti á Gejú dit a sù discepui: Insciò stal tla Scritōra: Le Messia sofrará y ressoriará dai morc le terzo de, y te so inom ti incundaran a düc i popui, scomencian te lerusalem, che ai dess dé ota, por che sù picia vëgnes pordená. De chësc sëise os mi testimoni. Y iö ves ortiará jö sön os la scincunda che mi Pere ves á impometü. Romagnede tla cité, cina ch'i ne gnëis nia implis cun la forza dal alt.

Spo i ál condüt fora dlungia Betània. Dailó ál alzé sües mans y i á benedi. Y tratan ch'al i benedi, i ál lascé y é gnü alzé sö cuntra cil. Mo ëi s'á injenedlé a l'adorè. Spo ési jüs cun gran ligrëza derevers a lerusalem. Y ai ê tres tl tēmpl y laldâ Idí.

FUNZIUNS SACRES

26.05. 6^a DOMËNIA de PASCA – Ann C

10.00 **Mëssa Grana**

†ta Maria Teresa Palumbo
†ti Oswald y Nane Pitscheider

14.30 Mëssa a Pescol - por la vijinanza de Pescol

†ta Emma Irsara de Pescol
por fam. Flurian y Lucia Sottara

18.00 †to Alfred Rungg

†to Lois Frena / †to Siegfried Dapunt

27.05. Lünesc

19.30 *Devoziun de ma (arjignada ca dal grup Caritas)*

28.05. Mertesc – *degüna mëssa*

29.05. Mercui - *Mëssa cun i scolars dla elementara*

07.30 †to Toni Töchterle

†to Paul Valentini de Pic'Tita
por fam. Eduard y Nina Tavella

30.05. Jöbia dles Rogaziuns

07.00 *Prozesciun dles Crusc da S. Linert a Oies – S. Mëssa*

†to Carlo Alfreider
por i jogn / ad intenziun

31.05. Vëndres dles Rogaziuns

07.30 †ta Maria Nagler Valentini - aniversar

vis y †ti de Erica Canins en onur a S. Maria da Lourdes
por les animes dl purgatore

18.40 *Prozesciun dles Crusc da S. Linert a La Ila – Funziun*

01.06. Sabeda dles Rogaziuns

07.30 *Prozesciun dles Crusc te paisc – S. Mëssa*

†ti Egidio y Maria Valentin / †to Paul Ploner
vis y †ti de Erica Vittur

16.00 Mëssa a Oies

02.06. FESTA dl'ASSËNZA – Ann C

10.00 **Mëssa ciantada**

†to Sepl Tavella
†ti Tone y Agnes Irsara

15.00 *Zelebrazion dl Bato*

18.00 †to Otto Clement - aniversar
por fam. Bertoldi en rengraz.

Dala VITA dla CÛRA

Pescol: chësta domënia, ai 26 de ma vëgnel fat festa ala Capela de Pescol en recort de S. Maria de Caravaggio y en rengraziamënt dl restaur dla capela cun na S. Mëssa dales 14:30. Düc é inviá.

Oies: en vëndres, ai 31 de ma dales 16:30 ales 18:00 éle ocasiun da se **confessé** cun siur Franz Sottara.

Legio Mariae: chësc grup se abina en jöbia ai 30 de ma dales 14:00 te dljia por n'ora de oraziun olache düc é inviá a tó pert.

Incuntada cun le grup de oraziun "Umes præia deboriada" en mercui ai 29 de ma dales dales 20:0 te dljia pur ti afidé nostes families a Santa Maria.

Bibelrunde cun Siur Sepl Granruaz: se incuntun en lünesc ai 27 de ma dales 20:15 te calonia de Al Plan (bass ite). Düc é inviá.

La Uniun dles Èles de Badia inviëia en mertesc ai 28 de ma ala **gita söl Garda – Bardolino** cun na santa mëssa dita da siur Degan. An pëia ia dales 07:00 y prenotesse pro Roberta al nr. 3383852548 (domisdé o da sëra).

Pelegrinaje di vëdui/vëdues y porsones sores a Unsera Frau de Karthaus cun siur Degan che dijará dailó la mëssa en jöbia ai 6 de jügn. Cost dl iade y marëna 50 € y präibel prenotesse al nr. 0474/590069. An pëia ia da Pedraces dales 07:40.

Pelegrinaje a Unser Frau a Schnals organisé dal KVV da S. Ciascian por i paisc de S. Ciascian, La Ila y Badia en sabeda ai 8 de jügn cun siur Heinrich. Prenotaziuns cina ai 5 de jügn pro Christoph al nr. 333 7219535.

"I 10 Comandamënc"

tla rivista „Crede” a pe de dljia ciafan ince de te pici libri sön i 10 Comandamënc; sëgn bele i pröms trëi.